



UNIVERSITÄTS-  
BIBLIOTHEK  
PADERBORN

**Poesis Sacra Sive Vitae, Mortis, Et Resurrectionis  
Salvatoris Nostri Jesu Christi Historia**

**Hermanni, Joachim Heinrich von**

**Hildesii, 1743**

**VD18 10904743**

3tio. Apparitio Discipulis aliquoties facta.

---

[urn:nbn:de:hbz:466:1-68828](https://nbn-resolving.org/urn:nbn:de:hbz:466:1-68828)

Ofors assiduis coëmenda laboribus ! ecce  
 Prostat venalis ; Christus mercator eandem  
 Exiguo vendit pretio , licèt ipse cruentæ  
 Supplicio mortis priùs acquisiverit illam.  
 Currite , qui cupitis lucrari magna ! repandit  
 Christus in amplexum sua brachia : currite ! nullum  
 Hoc commune forum placitis accessibus arcet.  
 Hanc fortem gemitu contriti cordis ememus :  
 Hanc emet , offensam qui condonaverit ultrò ;  
 Hæc emitur veræ fidei pietate , speique  
 Viribus , & solido Domini patientis amore.  
 Hoc constat pretio regnum Cœleste ; beati,  
 Qui capiunt hæc verba , suo superantia sensu  
 Omnia Doctorem veterum problemata ! Christus  
 Hæc docet , excelsi Patris Sapientia ; Christus  
 Hæc crucis ex cathedrâ linguâ titubante perorat ;  
 Ex tumulo Christus prostratâ morte resurgens,  
 Hæc asserta jubet per totum spargere Mundum.  
 Nunquam , conductus seu mercenarius offert,  
 Ut Christus , propriam ( res est notissima ) vitam,  
 Ut , ne dejiciat sepem , jugulétque luporum  
 Turba ferox agnos , fartum tueatur ovile.

**POESEOS SACRÆ ET PARTIS QUINTÆ  
 INDUCTIO TERTIA.**

S. LUCAS CAP. 24.

Duo ex illis ibant in castellum , quod erat in spatio sta-  
 diorum sexaginta ab Jerusalem , nomine Emmaus ; &  
 ipsi loquebantur ad invicem de his omnibus , quæ acciderant.  
 Et factum est , dum fabularentur , & secum quærerent ; &  
 ipse Jesus appropinquans ibat cum illis : oculi autem illorum  
 tenebantur , nè eum agnoscerent. Et ait ad illos : Qui sunt  
 hi sermones , quos confertis ad invicem ambulantes , & estis  
 tristes ? Et respondens unus , cui nomen Cleophas , dixit ei :  
 Tu

Tu solus peregrinus es in Jerusalem, & non cognovisti, quæ facta sunt in illa his diebus? &c.

## SYNOPSIS.

**D**ominus & Salvator noster Jesus Christus, duobus Discipulis suis in Emmaus itinerantibus apparet; & Thomam incredulum, ostensis sacrati corporis sui vulneribus, ad fidelitatem ducens; Discipulis suis, in universo Mundo Evangelium & pacem annuntiandi, potestatem iteratò concedit.

**LUC.**  
**24. 13.** **E**xibant Solymis ad agenda negotia bini (maius) Discipuli, castrum versùs, quod dicitur Emmaus. Unus erat Cleophas; reticet Scriptura secundum Nomen, & apponit, quæ sit distantia castrum. Quòd sexaginta stadiis distaret ab urbe. Dum proficiscuntur, de Christi morte, graviter Supplicio, repetunt proprio sibi cognita vilitate. Atque remordentur solito præcordia luctu. Respexit subitò Cleophas, viditque citatis Appropere virum peregrinum passibus: illum se sociat binis; quærit, quos inter eundem Sermones, siquidem tristatos corde videret, Miscuerint? Cleophas inquit: Tu solus es ergo? O bone vir, Solymis adeò peregrinus & hospes? Ut, quæ contigerint propioribus hisce diebus? Tu non cognôris, toti notoria Mundo? Scilicet eloquio clarus fuit, atque Propheta, Et virtute potens Jesus de Nazareth; illum Pontifices nostri damnârunt morte probrosâ Supplicioque crucis. Nos sperabamus eundem Esse redempturum genus Israël, atque tyrannorum Servitio exemptos, in libertatis avitæ Jura reassertos, æternâ sorte beatos Nos effecturum. Super hæc nunc omnia demum Postquàm res gesta est, hodie lux tertia fulget.

Sed nova matronæ, cupientes ungere Jesum  
 Ante jubar Solis surgentis ab Æquore, portant  
 Nuntia; se vacuum simul invenisse sepulchrum,  
 Et, quod terrificat, redimitos lumine Cœli  
 Angelicos juvenes ibi conspexisse; deinde  
 Ipsummet vegetum redivivo corpore Jesum.  
 Ex nostris plures properârunt, talia visum:  
 Et monumenta quidem vacua offendere; sed ip-  
 Non invenerunt. Jesus incognitus illis, (sum  
 Atque viatoris specie circumdatus, inquit:  
 O insensati vos, o incredula corda!  
 Nunquid enim Christum constanter oportuit illa  
 Supplicii tormenta pati, tandemque reverti  
 Ad Superos, frutum regni Cœlestis honore?  
 Hoc Scriptura docet; dum viveret, ipse docebat  
 Christus; & unanimi decantant ore Prophetæ.  
 Nunquid ait Moses: Non eripientur Iudæ  
 Sceptra tribûs, donec mittendus venerit? atqui Gen. 49. 10.  
 Hæc alienavit jam pridem rector Idumes  
 Herodes, Romana diu gens abstulit illa.  
 Prædicat Aggæus, populos, gentesque movendas, Agg. 2. 8.  
 Dum venit optatus Princeps: illisque Propheta  
 Regius adjungit: Reges Tharsisque Sabæque Pf. 71. Mala. 3. 1.  
 Hunc veneraturos. Malachias: Strata viarum  
 Angelus ante Ducem reparabit; sicque subibit  
 Dux templam Domini. Quis nescit talia dudum  
 Evenisse? senex pueri sub imagine Christum  
 Obtulit Excelso Solymis; ejusque Joannes  
 Adventum retulit. Daniel austerior inquit:  
 Excindi Hebræos, holocaustaque cuncta perire; Dan. 9  
 Est modò præ foribus. Zacharias mitior infert: Zach. 13. 2.  
 Rex exercituum summus simulacra Deorum  
 Impia prosternet; nec vult memor amplius esse

Impietatis. Ait Sophonias : Gentibus ora  
<sup>soph.</sup> Exquisita , Dei resonandis laudibus apta,  
<sup>3.9.</sup> Attribuet. Fient sensim prædicta per illos.  
 Tristiùs ista canit Jeremias ; plurima jungit  
 Esajas vates clarissimus inelyta puncta,  
 Supplicium vitamque simul tangentia Christi.  
 Sunt hæc dicta satis ; nam dicere plura coarctat  
 Inclinata dies. Comites , fax lucida Phœbi  
 Vergit in occasum , dicunt , dare membra quieti  
 Convenit ; atque rogant secum divertere. At illi  
<sup>Luc.</sup> Longiùs ire parat ; sed eunti suadet uterque,  
<sup>24.28.</sup> Ne sua nocturnis vestigia crederet umbris ;  
 Esse reversurum , qui det bona lumina , Solem  
 Sit facilis flecti , faveatque rogatibus , instanti  
 Ecce domum ! bono hospes adest , cœnâq ; refectus  
 Excipiet nos grata quies ; hæc unica nostrum  
 Temporis accessu poterit lenire dolorem.  
 Dissimulat Dominus curam , mentemq ; manentem  
 Et quasi sollicitâ comitum prece victus , in aditu  
 Hospitiisque locum solitâ gravitate subintrat.  
 Factus in occursum , fieri velut assolet , hospes  
 Exhibitaque viris , & ab his pro more salute  
 Comiter acceptâ , conclave , sedilia , mensam  
 Et quæcunque domus , quæcunque culina ferebat  
 His tribus hospitibus cultis sermonibus offert  
 Sedibus impletis comites ad seria ; Christus  
 Verba Prophetarum sacro colophone coronat.  
 Cum dapibus mox servus adest ; surguntq ; levatis  
 Ad superos oculis : ut , quæ ponuntur in escam  
 Proficiant lassis , devotâ mente precantur.  
 Accumbunt cœnæ ; panem frangendo Magister  
 Se manifestat eis : illi stupuere , silente  
 Attoniti visu ; tenet admiratio fixos.

Dumque parant cupidos amplexus, oscula blanda;  
 Non secus ac subitum fulgur per inania raptum,  
 Tantus inexpletâ cœnâ disparuit hospes.  
 Territa tota domus ferotina tempora noctis  
 Hoc super eventu vario sermone fefellit.  
 O! ait ad focium Cleophas, scelus esse verebor,  
 Quòd neque nocturnis facibus, neque luce diurnâ,  
 Discipuli potuère suum novisse Magistrum!  
 O stupor! & Phariis nox multò densior umbris!  
 Explicat, ut solitus, Scripturæ verba; Prophetas  
 Exponit; causas memorat, cur flebile mortis  
 Christus obivit iter; turbatâque pectora sacris  
 Ignibus accendit; tamen hoc in lumine cæci  
 Ivimus. Eoo Titan caput exere Ponto,  
 Et radiis discerne vias! mens plena novorum  
 Æstuat ire foràs, totam, quam vidimus, urbi  
 Expositum facti seriem. Quid, amabò, moramur?  
 Sint licèt obducti noctis caligine campi,  
 Occultæque viæ: trahimur, rapimurq; retrorsum.  
 Hospitii Patrone vale; remeamus ad urbem,  
 Ut Condiscipulis tam nuntia læta feramus.  
 Præcipitatur iter; volitant quasi, cuncta relatum,  
 Quæ sibi contigerant. Vix intra mœnia ducti,  
 Discipulis avido properant narrare relatu  
 Visa apparentis Domini miracula. Gaudent  
 Exspectantque viri, simili quoque sorte beari.  
 Ergò ubi jam sero conjuncti vespere, clausis  
 Hospitii foribus, se consolantur, & hymnos  
 Unanimes cantant Domino pietate fideles,  
 Astitit in medio Christus, repetitque secundo,  
 Pax vobis! omnes mox consternantur, & hærent  
 Attoniti; sed Christus eos hortatur amico  
 Alloquio, monstrans illis sua vulnera: tandem

Luc.  
 24.36.  
 Joan.  
 20.20.

Assumunt animos & gaudia magna, reviso  
 Salvatore suo. Tunc oris flamine Jesus  
 Fratribus inspirat Divini Numinis auram;  
 Subjungitque statim: Sicut sum missus in Orbem,  
 Sic ad totius Mundi vos climata mitto.  
 Quæis dimiseritis peccata, remissa manebunt;  
 E contra quorum retinere piacula vultis,  
 Illa retenta manent. Et factò sine loquendi  
 In tennes Dominus subito disparuit auras.  
 Cumque absens Thomas miracula tanta videre  
 Non potuisset; ei fratres specialia narrant.  
 Audiit attonitus Thomas, tam mira referri;  
 Sed spreto fidei merito, se nolle relatis  
 Credere, præsentem nisi conspexisset aperte,  
 Attactûque suo, lateris, manuumque, pedumque  
 Vulnera sensisset, temerarius ore profatur.  
 Discipuli socio validâ ratione reponunt:  
 Ignoras Thoma? Dominum dixisse, priusquam  
 Vaderet ad mortem: Postquam surrexero morte,  
 Ad vos post modicum Galilæaque regna revertar.  
 Hac impleta scias; sumus hic, qui vidimus illum  
 Luminibus propriis: Thoma, sis ergò fidelis.  
 Ambiguus Thomas, fieri vix posse, reponit,  
 Ut tam crudeli laceratus morte resurgat.  
 Est, ajunt, nullis Divina potentia metis  
 Circumscripta; negant fidei secreta subesse  
 Sensibus humanis: Thoma diffidere noli.  
 Bis quatuor vicibus terras aurora revisit,  
 Rursus Apostolicus cœtus collectus in unum  
 Intus erat; Thomas reliquis sociatus, inhæret.  
 Ambiguæ fidei: mira ô dignatio Christi!  
 Occlusis foribus (Synagogam quippe timebant)  
 Ingreditur Dominus; resplendent stigmata toto

Corpore, Cœlestem Thomæ monstrando figuram.  
 Suaviter alloquitur fratres; pacemque precatus  
 Omnibus, ad Thomam conversus comiter inquit:  
 Huc ades, o Thoma! clavorum stigmata certo  
 Inspice contuitu; digitos impone; nec esto  
 Amplius ambiguus, sed toto corde fidelis.  
 Territus aspectu Thomas respondet eidem:  
 O Deus! o Dominus meus! o! vox lassa volentem,  
 Plura loqui Domino, confestim deficit: ille  
 Sublevat alloquio, pergens proponere: Thoma!  
 Causa tuæ fidei sunt hæc conspecta: beati,  
 Quos sincera fides, signorum luce remotâ,  
 Ducit in assensum, meritisque placentibus ornat!  
 Ulteriùs Thomam veri convincere nifus  
 Mandat adesse cibos: pro paupertate feruntur  
 Assati piscis medium, pauxillaque mellis Luc.  
 Portio: manducat Dominus, reliquumq; reponit, 24.41.  
 Ut comedant alii, subjungens seria: Scitis,  
 Me monuisse priùs, quàm nos divortia mortis  
 Dividerent; opus esse, suo prælagia Vatum  
 Fine coronari; subjungit plurima verum  
 Scripturæ sacræ sensum referantia; fratres,  
 Audistis, decuisse pati sic, postque pusillum  
 Faucibus ex mortis, tumuloq; resurgere Christum;  
 Et post hæc cunctis terrarum gentibus unam  
 Doctrinam Fidei proponi in nomine Christi,  
 Et peccatorum veniam credentibus illi:  
 Hoc Evangelium Solymis orietur ab urbe.  
 O animæ pax una meæ, medicinæque vitæ!  
 O peccatorum scelerumque remissio! passæ  
 Naufragium, tabula es salvatrix unica, menti.  
 Non opus est cæsis holocaustis amplius aras,  
 Et sacra templa Dei fumo cumulare; refecit



Una simul totum defectum victima Christus.  
 Melchisedech docuit, panem vinumque litando  
 Sacrificare Deo; meliori forte beamur,  
 Dum Salvatorem Christum sub imagine panis  
 Et vini colimus, scimusque realiter esse  
 Præsentem, sicut præsens in culmine montis  
 Victima pro noxis, Mundum moriendo redemit.  
 Hâc Domini Cœnâ nihil est augustius; Ortus  
 Solis, & Occasus merito venerantur honore (dalem  
 Hoc Epulum: Christus Cleopham, Cleophæq; so-  
 Dum cibant his dapibus, non sustinet amplius esse  
 Captivos oculis; redivivum manera vitæ  
 Discipulis dubiis manifestavere Magistrum.

POESEOS SACRÆ ET PARTIS QUINTÆ  
 INDUCTIO QUARTA.

S. LUCAS. CAP. 24.

**E**duxit autem eos foras in Bethaniam; & elevatis manibus  
 suis benedixit eis. Et factum est, dum benediceret illis,  
 recessit ab eis; & ferebatur in Cœlum. Et ipsi adorantes  
 regressi sunt in Jerusalem cum gaudio magno. &c.

SYNOPSIS.

**D**ominus & Salvator noster Jesus Christus Discipulos suos pro-  
 cedit in Galileam; & postquam ibi iterato eisdem appa-  
 ruisset, eduxit eos in Bethaniam; ubi ex monte olivarum  
 post datam omnibus benedictionem, illis hoc miraculum cum  
 gaudio aspicientibus, in Cœlos gloriosè ascendit.

**I**ucundos patriæ fines, & originis oras  
 Diligimus, solo patriæ Cœlestis amore  
 Excepto; & regnum Galilææ Christus amabat.  
 Hic conceptus erat, nutritus, denique primis  
 Prodigis toti se demonstraverat Orbi:  
 Hic quoque post operum confecta negotia flagrat  
 Discipulis, siquæ restent mandata, referre:

Præ-